



26. juli 2013

UKA 2013/121

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumu-una saqqummiupparput:

Nunatsinni suliffeqarfiit namminersortut nutaat, aallartinneranniit sapinngisamik akileraarutitigut artukkorsorneqannginnissaat anguniarlugu, ukioq siulleq ataaseq akileraartannginnissamik Naalakkersuisut sulissuteqaqqullugit Inatsisartut aalajangiiffigisassaattut siunnersuut.

(Inatsisartunut ilaasortat Siverth K. Heilmann aamma Gerhardt Petersen, Atassut)

Tunngavilersuut:

Ukiuni kingullerni pingasut sinneqalaartuni nunarsuarmi aningaasarsiornikkut ajalusoornep nalaaani nunatsinni namminersortut suliffeqarfeerarpasuit ajuusaarnaqisumik akiliisinnaajunnaarnikkut matoorartut arlaqarput. Tamanna inuiaqatigiinnut, nunatta karsianut, kommuunit karsiinut, suliffissaqartitsiniarnikkut, ilaqutariippasuarnullu ataasiakkaanut annertuumik kinguneqarnerluppoq, tamassuma kinguneralugu isumaginninnikkut ikiorsiissutitigut aningaasartuutit annertuseriarujussuarlutik. Tamannalu maannakkut inuiaqatigiittut qaangerniagassatta unamminartut ilagaat.

ATASSUT-mi pingaartipparput, suliffeqarfiit namminersortut sapinngisamik ukiunut aningaasarsiorluarfiunngitsunut nalimmassarsinnaanissaat pingaaruteqartoq, aqutissiuuttariaqartorlu. Aammalu minnerunngitsumik suliffeqarfiit nutaat, aallarteqaarnermi periarfissat pitsaasut tamatigut pigisariaqaraat ATASSUT-miit pingaartilluinnarparput. Tamannalu suliffeqarfinnik nutaanik nunarput aallartitsivigissallugu pilerinartunngorneranik aamma kinguneqassaaq. Tassalu suliffeqarfiit nutaat aallartittut minnerpaamik ukioq ataaseq akileraarfiginagu nalimmassarfigisinnaassammassuk.

Ilisimavarpummi sunaluunniit suliffeqarfik aallartinneqartarpoq nukippasuit, aningaasarpasullu atoreerlugit. ATASSUT-milu isumaqarluinnarpugut suliffeqarfiit nalimmakkiartupallassinnaanerannut akileraartarnikkut pitsaaquteqarnissaq aqutissaasoq pitsaasoq. Minnerunngitsumillu suliffeqarfinnik aallartisaarusuttunut tamanna annertuumik kajungilersitsissasoq ATASSUT-miit isumaqarpugut.

Nunatsinni pisortat suli annertuallaamik suliffissaqartitsipput, tamanna illuatungilerneqartariaqarpoq, suliffeqarfiit namminersortut amerlisarnerisigut, suliffeqarfiillu aallartitartut aningaasatigut sullissinikkullu unammillersinnaassutsikkullu piginnaasaat annertusarneqassappata pisariaqarluinnarpoq akileraartarnikkut malunnaatilimmik pitsanngorsaaviginissaat, tamanna siunissamat inuiaqatigiit aningaasaliinerattut isigineqartariaqarpoq.

Aningaasatigut allaffissornikkullu pisortanut kingunissai:

Aningaasatigut pisortanut kingunerissavaa akileraartarnikkut annaasaqaateqaqqaarneq, taamatut isikkoqartillugu siunnersuut akuerineqassappat. Tamanna annaasaqaateqarneq annertunerussanngilaq, peqqutaarpiarluni ikittuinnaat ukioq ingerlatsilerneranni siullermi sinneqartoorteqarsinnaaneq

pissammat akileraarutaasinnaasusaaq. Nalikillisaanermi piunasaqaaatit aamma iluanaarutaasinna-
sussaq annikillisassavaat, pingaartumik suliffeqarfik ukioq siulliusumik ingerlatsilernerani, tas-
suunakkummi ileqqaarutit annerusumik aningaasartuutiniittarmata.

Taamaattumik ilimagisamiissaaq pisortat akileraartarnikkut annaasaqaatissaat pissammat piffissami
siullermi sivikinnerusumi. Suliffeqarffiit patajaallisimalereernerani taamaasilluni pisortat akileraa-
rutitigut aasassaqarnerulissapput. Taamaasilluni pisortat piffissap / ukiut ingerlalluarneranni Akiler-
aarutitigut aasassaqarnerulissapput.

Piffissami siullermi inatsisitigut siunnersuutitut aningaasartuuteqarnissaaq, pissaaq tusarniaanerillu
ingerlanissaanni. Tamanna taamatut suliaqarnissaaq annertunerussanngitsoq ilimagineqassaaq, tas-
suunakkullu aamma akileraartarnermi immikkut sulisitsinissaaq pisariaqassanani.

Aningaasatigut allaffissornikkullu namminersorlutik inuussutissarsiortunut kingunissai:

Aningaasatigut allaffissornikkullu namminersorlutik inuussutissarsiortunut immikkut kinguneqar-
nerluffeqassanngilaq.

Aningaasatigut allaffissornikkullu innuttaasunut kingunissai:

Innuttaasunut allaffissornikkut aningaasatigullu kinguneqassanngilaq.